



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Francisci Bellegambe è Societate Jesu Theologi,
Enchiridion Theologo Practicum Tripartitum, De Ivbilæo
Ecclesiastico**

Bellegambe, François

Coloniæ Agrippinæ, 1700

Sectio XII. De Commutatione Votorum.

urn:nbn:de:hbz:466:1-42093

252 P. 3. De Jubilæo extraordinario.
innumeris (ait Tamburinus sup. n.
21.) & rectius : Quia Bullis confor-
mius, ait Gobatus n. 272. Vide Na-
varrum, Manualic. 27. n. 254. id pro-
bantem : Quia irregularitas non est
censura; neque absolutio ejus necessa-
ria est ad peccatorum absolutionem,
ob quam tamen datur facultas absolu-
vendi à censuris & sententiis Eccle-
siasticis : & Stylus Curiæ habet,
quod per facultatem absolvendi à
quibuslibet censuris & pœnis, non
intelligatur facultas dispensandi su-
per irregularitate. Vide & Molinam
to. 4. tr. 3. de Justitiâ commutativâ disp.
80. n. 6. & iterum Gobatum n. 450.

SECTIO XII.

DE COMMUTATIONE VOTORUM.

QUÆST. I. An, & quæ Votæ commu-
tari possint virtute Jubilæi ?
RESP. I. Confessarius ab Ordina-
rio approbatus, juxta superiùs dicta,
potest

S. 12. De Commutat. Votorum. 253.
potest commutare vota quælibet
quorumlibet Fidelium, exceptis vo-
tis Castitatis & Religionis, de quibus
sect. seq. Nullam tamen habet, vi Ju-
bilæi, facultatem dispensandi super-
ullo voto.

R. 2. Potest commutare vota etiam
juramenta firmata, atque adeò & ju-
ramenta soli Deo facta. Suarez to. 2.
de Relig. l. 6. c. 14. n. 6. 19. & seq.
Portel Dub. Regular. v. Voti commutatio.
n. 97. & 98. cum aliis, Diana p. I tr.
II. R. 43. & p. 5. tr. 12. R. 57. cum Ba-
silio Pontio; Gobat n. 286. & seqq.
Busenbaum, &c. Vide Sanchez in De-
cal. l. 4. cap. 53.

Imò non improbabiliter & quævis
juramenta, sine præjudicio tertii, pos-
se commutari ab eo qui habet facul-
tatem commutandi vota, docent et-
iam Alphonsus Mendezius in suâ
Theologia Catechetica l. 10. c. 8. n. 14.
Matth. de Moya tr. de Relig. disp.
I. q. 3. Tambur. in Decal. l. 3.
c. 7. §. 3. num. II. Gobat Theol.

L 7 ex-

254 P. 3. De Jubilao extraordinario.
experim. edit. anni 1681. tr. II. num.
508. &c.

R. 3. Possunt etiam commutari
promissiones factæ alicui Sancto, non
cogitando de Deo. Quia licet tales
promissiones non sint propriè vota,
ex sancto Thomâ, vulgo tamen so-
lent vota nuncupari; & proinde po-
test ad illas promissiones extendi pri-
vilegium commutandi quæcumque vo-
ta. Gobat de Jubil. n. 289. Vide eun-
dem de Sacram. tr. 6. n. 302.

Q. 2. An possint commutari etiam vo-
ta, facta in favorem tertii?

R. Negativè, si jam sint ab illo, vel
ab alio, ejus nomine, acceptata: Quia
fieret contra jus à tertio jam acquisi-
tum; secùs, si nondum sint acceptata.
Suarez sup. c. 15. n. 11. Sanchez in De-
cal. l. 4. c. 41. n. 13. Lessius de Justit.
l. 2. c. 40. n. 104. Castropalao disp. 2.
de Voto pu. 15. n. 2. &c.

Ad illam autem acceptationem
requiritur, præter promissionem deo
factam, etiam promissio facta tertio,
quæ

io.
um.
tari
non
ales
a ,
so-
po-
pri-
vo-
un-
va-
vel
gia
ifi-
ita.
De-
fit.
2.
em
peo
io,
uz

S. 12. De Commutat. Votorum. 255

quæ acceptetur. Vide prædictos Au-
thores.

Q. 3. An commutari possint in minus
a quæ?

R. Etsi commutatio dicat æquali-
tatem ; tamen probabiliter possunt
commutari in aliquid minus, dum-
modò non sit notabiliter minus.
Quod maximè verum est in sententiâ
probatorum Authorum docentium ,
voventem posse propriâ authoritate
vetum suum commutare in evidenter
æquale: aliàs enim privilegium esset
inutile; & credibile est, Papam dele-
gantem facultatem commutandi, vo-
luisse concedere aliquam benignita-
tem, & tacitè indulgere ut commu-
tationi admisceatur aliquid dispensa-
tionis. Bonacina in 2. Decal. præc. q. 2.
p. 7. §. 3. n. II. Emm. Rodriquez
Sum. 10. 2. c. 100. n. 4. & alii, quos se-
quitur Diana p. 1. tr. II. R. 40. & p. 3.
tr. 5. n. 25. &c. Quod etiam valdè pro-
babile censet Lessius n. 109.

Rectè autem observant Layman,
de

256. P. 3. De Jubilæo extraordinario.
de Voto c. 8. n. 24. Portel Dub. Regular.
p. Votis commutatio n. 43. & alii, stando
etiam in contrariâ sententiâ, non de-
bere Confessarios hac in re esse nimis
scrupulosos ; cum æqualitas in com-
mutatione votorum non debet esse
mathematica, sed moralis, ad arbi-
trium boni viri, seclusâ fraude & gra-
vi iguorantiâ.

Valebit etiam probabiliter com-
mutatio , etiamsi in multò minus,
dummodò vovens suppleat id quod
deest ad æqualitatem materiæ subro-
gatæ cum promissâ. Sanchez in Decal.
l. 4 c. 5 I. n. II. Diana p. 2. tr. 2.
miscell. R. 7. Tamburin. in Decal. l. 3. c.
16. §. 5. n. 9. &c.

Q. 4. An requiratur causa ad istam
commutationem ?

R. Non requiritur alia causa, quam
ea, ob quam Pontifex dictam facul-
tatem concedit, cum onere implendi
opera in Jubilæo præscripta , præter
illud in quod sit mutatio. Suarez sup.
c. 19. n. 10. Sanchez c. 50. num. 19.

Portel

S. 12. De Commutat: Votorum. 257.

Portel sup. n. 91. Trullenck Bull. Cruc.
l. 1. §. 7. c. 3. dub. 13. n. 6. Gobat n.
299. &c.

Verùm, ut observat Petrus à S. Joseph De 2. præc. Decal. sib finem, hoc in praxi non habet locum: quia pertens commutationem semper habet causam; & levis sufficit etiam extra Jubilæum.

Q. 5. Ubi, quando, & quoties fieri possit ista commutatio?

R. 1. Potest fieri etiam extra confessionem, adeoque etiam ab eo, cui non cogitas confiteri: & quidem, licet in Bullâ haberetur, auditiseorum confessionibus: illa enim clausula afficeret tantum absolutionem à reservatis, non autem absolutionem à censuris, & commutationem votorum. Henriquez l. 7. c. 30. n. 6. Sanchez sup. 6. § 4. n. 16. Suarez, Layman, & alii, quos sequitur Bonacina sup. n. 16. Diana pluribus locis, Gobat num. 293.

Unde potest etiam fieri cum absente.

258 P. 3. De Jubilæo extraordinario.

fente. Tambur. sup. §. 4. n. 52. cum aliis.

R. 2. Potest fieri commutatio antequam quis ullum ex præscriptis operibus exequatur, dummodo habeat animum exequendi. Ita plerique, cum quibus Gobat n. 303.

Quod si deinde mutet animum, nec exequatur, tenet nihilominus commutatio. Suarez sup. c. 16. n. II. Sanchez, Portel, &c. Nec peccat graviter. Sanchez c. 54. n. 54. cum Henriquez, & aliis; Diana p. 2. tr. 2. miscell. R. 13. & alii, contra Suarem isto num. II. Portel v. Voti commutatio n. 52. sibi contrarium, v. Indulg. in Addit. n. 20. & alios. Vide supra sect. 10. q. 5. de taliter absoluto à Casibus reservatis & Censuris.

R. 3. Potest fieri ista commutatio toties quoties, etiam novorum votorum, quæ emitteres durante Jubilæo. Henriquez l. 6. c. 16. n. 3. lit. O. Portel v. Voti commutatio, Addit. n. 101. Sanchez c. 54. num. 26. Trullenck sup.

S. 12. De Commutat. Votorum. 259

sup. dub. 9. n. 7. Vide sup. sect. 10. q. 2.

Q. 6. Quomodo facienda sit commutatio?

R. 1. Ab solutè, non autem sub conditione de futuro. Licet enim, per se loquendo, non peccaret commutans, qui diceret: *Commuto tua vota, dummodo exequaris opera in Bullâ præscriptas* (sicuti reverà graviter peccaret, qui ita absolveret à censuris aut à peccatis) tamen melius est non facere restrictionem, ubi non facit Papa, vel certè differre commutationem. Suarez cap. 16. n. 10. Gobat n. 296. Qui etiam singulariter notant, ne unquam Confessarius commutet sub conditione: *Si ipsam Indulgentiam fueris reipsâ consecutus: quis enim sciet unquam, se fuisse consecutum Indulgentiam?*

R. 2. Expedit sàpè, fieri commutationem in res quas Vovens solebat ex devotione facere. Non potest autem fieri cōmutatio in opera, ad quæ quis tenetur ex gravi obligatione.

Lessius

260. P. 3. De Jubilao extraordinario.

Lessius loco q. 2. citato n. 101. fine,

Gobat n. 302. Alloza v. Votum, sect. 4.

n. 52.

R. 3. Potest etiam fieri datâ optione Pœnitenti, ut ex pluribus propositis hoc vel illud faciat loco sui voti; modò hoc, modò illud; hoc, vel illo die, &c. Gobat ibid.

R. 4. Potest commutatio voti intra tempus Jubilæi ita fieri, ut tamen tunc non fiat actualis subrogatio in locum materiæ voto promissæ. Potest enim Confessarius dicere Pœnitenti: Ex nunc commuto tuum votum in opus quod tibi designabo post tres, quatuor hebdomadas. Sanchez sup. c. 54. n. 31. cum Rodriguez, Vivaldo, Sayro, &c. Diana p. 10. tr. 14. R. 27. Gobat num. 305, Alloza v. Votum, sect. 5. n. 35.

Imò potest Confessarius dicere: Commuto tuum votum in id quod talis vir doctus (etiam Laicus) censuerit committandum. Sanchez ibid. Lessius de Just. l. 2. c. 40. n. 109. Layman de Voto cap. 8. n. 27. ex Vivaldo; Trullenck

sup.

S. 12. De Commutat. Votorum. 261
sup. dub. 9. n. 1. Portelv. Indulgentia,
in Addition. n. 17. Gobat n. 305.

Neque peccabit Pœnitens contra
votum, etiam si ante substitutionem
materiæ fecerit contra prius votum:
Quia hujus obligatio jam cessat, seu
est translata in materiam subrogan-
dam. Sanchez. n. 32. Lessius modò
citatus, Castropalao tr. 24. pu. 12. §.
3. n. 7. Trullenck loc. cit. Gobat n.
306. contra Emman. Rodriquez, &
alios. Quæ doctrina sic intelligenda
est, ut dilatio substitutionis sit ratio-
nabilis, & nullo modo in fraudem.

R. 5. Potest etiam Confessarius
tunc non commutare, sed differre
commutationem in aliud tempus,
etiam si tempus Jubilæi transeat; si
velit maturius considerare commu-
tationis modum, &c. Suarez de Voto
l. 6. c. 16. n. 15. Sanchez sup. n. 33. Por-
tel num. illo 17. Castropalao n. 8. Dia-
na p. I. tr. II. R. 52. Trullenck n. 2.
Alloza v. Votum, sect. 5. n. 35.

Imò potest hoc facere Confessa-
rius,

262 P. 3. De Jubilæo extraordinario.
rius, etiam si nullum in specie votum
intelligat. Si enim Pœnitens dicat, se
habere plura vota, quorum commu-
tationem petat, aut etiam quædam,
quorum jam non meminit; potest
Confessarius aliis negotiis impedi-
tus, aut aliâ de causâ, ei respondere:
*Illa vota mihi post exactum Jubilæum in-
dica, de illis conare reminisci, &c.* &
commutabo. Suarez *sup.* Sanchez n. 34.
& 37. Castropalao *sup.* Gobat n. 307.
dicens esse contra Suarez: sed mihi
certè videtur Suarez à nobis stare; &
verò etiam citatur à Bartholomæo
à S. Fausto, *Thesauro Religios.* c. 4. q.
62. idem quod nos tenente.

Rectè autem observat Suarez:
tunc oportere ut Vovens obtinuerit
Jubilæum: nam, quâcumque ex cau-
sâ id prætermiserit, eo ipso erit inhae-
bilis ad recipiendam postea commu-
tationem.

Quòd si Pœnitens memor sit se vo-
to ligatum, at immemor speciei, seu
materiæ ejus in particulari, nec etiam
CON-

S. 12. De Commutat. Votorum. 263
concesso longiori tempore possit ejus
meminisse; poterit Confessarius uti
prudenti arbitrio, & juxta modum
obligationis, & circumstantias oc-
currentes , commutare in aliquam
materiam. Suarez & Sanchez *ibid.*
Trullenck *sup. dub. 9. n. 3.*

Q. 7. An possit etiam commutari de-
bitum , seu pœna v. g. pecuniaria con-
tracta ex violatione voti pœnalis, ex. c.
de non peccando contra castitatem sub pœ-
nâ erogandi in eleemosynam quinque
aureos?

R. Affirmativè. Suarez l. 6. c. 20.
n. 19. Sanchez De Matrim. l. 8. disp. 15.
n. 14. & in Decal. l. 4. c. 52. num. 10.
Lessius de Justit. l. 2. c. 40. num. 108.
Malderus in 2. 2. tr. 10. c. 5. dub. II.
Filliucius tr. 26. num. 295. Diana p. r.
tr. II. R. 46. cum Joan. de la Cruz
& aliis; Petrus à S. Joseph, *De*
2. præc. Decal. fine.

SECTIO